

YÜGA NGÜ 30

1. Ta teMe tima wu siti ngu fu Pharaoh de wu kpara ka Egypt ne, Pharaoh le ta eyi de wu kpara ka Israel nu?
-Abala de.

2. Adu siti ngu ta te me ena tima ne tade ne?
-E ta te ena amoro wu gina wu gina wu jeji buru de wu nu.

3. Teka de wu Israel ta akuwu ale tade wu mere ne e ne?
-De uwu je ngu ka Me.

4. E ta te Me mala fu wu Israel de wu mere ka gina wu enga uwu ena akpi ta ne ene?
-Ale dewu za enga nu de re ye birimgbo kabiliki wala mere te e di tete esitima.
-Ale de uwu moro nu la fu uwu ta aza ngute ungu gbu nchi'ba.
-Ale ta de uwu ö ngute wu nu mada la fu de edere wu ru mingiti ka uwu.
-Ale ta de uwu mgbu gbu kambu te di de ngute te yi la.
-Wu ya akuru biki nu ma'da de.

5. E ta te ena suere te wu Israel mere baka te me mala la de ne ene?
-Wu siti e la ta ena akoro fu uwu tuwu gina wu jeji ka uwu ta akpi.

6. Me ti eyi ache wu kpara deuwu towo te uwu de tete uwu?
-Abala de.

7. Kaji te ena kuwu wu kpara de kaji ka da?
-Kaji ka Me.

8. Te wu Israel je ta ngu ka me la Me mala ta ga ni na amere ne ene?
-me mala ta guba siti e la ti akoro fu uwu de gina ye wu ti kpa akpi de.

9. Me moro ta gina wu jeji ka wu kpara lo Egypt baka ta te ungu mala la?

-Wayi.

10. Gina jeji ka wu kpara ka Israel kpi ta eyi?

-Abala de.

11. Gina wu jeji ka wu kpara ka Israel kpi ta de kane?

-Tengu wu Israel je ta ngu te me mala, fu uwu ta aõ ngute fu de edui wu ru mingiti ka uwu.

12. Ta te wu Israel je ngu ka me ne, Me mere ta eyi baka ta te ungu mala ne?

-Wayi.

13. Fu tanga ta te gina wu jeji ka wu kpara ka Egypt de nda Pharaoh kpi ne, E ta te Pharaoh mere ta ne ene?

-Fu Pharaoh ta a che wu Israel de wu nu.

14. Pharaoh de wu gara wu kpara ti eyi a mere gu de me fu uwu aza esakana?

-Abala de.

-Me towu ta wu Israel esak mbugu ka ti ma de Pharaoh, fu ungu ta akuso wu Israel gbu Egypt gichi.

-Me enu to de wu Israel gbu kötö deyi?

-Me edu ta de uwu gbu tö ka Canaan.

-Canaan le de tö ta te Me to fu Abraham, Israel de Jacob de wu kundu uwu.

-Ta te wu Israel koro gbu Egypt wu tabu wu kpara 70.

-Ta te wu che Egypt fu tanga re 400 wu Israel to eyi wu kpara million bosu.

-Me mere ta akusa wu kpara million bosu baye?

Ni Tanga La Gogo 13:21-22

21-De wu ra nde Me mgbu ta anu engegira nu fu wu israel gbu burungu de a anu deuwu gbu ra de biti fa akoro de mere wa te to ra su, de wu nu ta de wu ra de bili nde.

22-Gbu ra ba burungu la, gbu biti ta wa La fu ungu ta a che gu kayi engegira wu kpara la.

-Me nu ta de wu Israel gbu ra ne baye?

-De burungu.

-Me nu ta de wu Israel gbu biti baye?

-De mere wa.

-Ta me ti ta engegiri nu de ne deuwu wu ta su te wu enu tete eyi?

-Abala de.

-Te me ti ta engegira nu fu wu Israel de la de e ta te ena mere ne ene?

-De wu na aduru fu uwu akpi.

-Tengu Me le ta wu Israel ne, fu ungu ta ati fu uwu enge-giranu kauwu ena duru fu uwu ta akpi.

-Fu Me ta anu de wu Israel kpa gbungu de iri ye Diki ngu.

-Ede Diki ngu ne, fu Me ta amala gawu fe la te uwu chuku'de.

Ni Tanga La Gogo 14:1-3

1-Fu Me ta amala fu Moses ga,

2-“mu mala fu wu Israel de wu gbu ate teuwu ede Pi Hahiroth, ezingba Migdol ake ngu la. Wu mgbu ede ngu la, ede Baal Zephon.

3-Pharaoh ena afi ga'wu Israel de ne eyi tewu ndoro wu wu kaji te uwu ena nu te te de 'wu dene bu endoro gbu ra su'”

-Me nu ta de wu Israel ede diki nguy teke ne?

-Me le ta de wu kpara ka Egypt dewu Israel wu ga ni de Me bu miwi.

-Kpara ta te emal ngu ta te Pharaoh efi la fu me de da?

-Kpara ma.

-Me wu ta ngu te Pharaoh efi ta baye?

-Me wu ta wu tinga ngu ka Pharaoh ö afi la de.

-Me wu wu tinga ngu keni ö afi la ungu de.

-Ni je la ngu ta te Pharaoh emala:

Ni Tanga la Gogo 14:5-9

5-Ta te uwu mala fu miri ka Egypt ga wu kpara ka Isael ne su eyine, fu wu Pharaoh de wu kpara kaye ta afu tinga ngu ku uwu tengu ngu ka uwu tengu uwu fu uwu ta amal ga, “Ete ni mere ne neene? Ni che wu Israel eyi anu wu chetima ka uwu eyi!”

6-Fu Pharaoh ta areke wu nu kaye, fa ta aza wu kpara ka gu kaye.

7-Fa ta aza wu gara nu 600 deye de nda Egypt.

8-Fu Me ta a mere maguma Pharaoh kpekpeke, de anu ta afanga wu Israel te wu eyi debu anu bala dene.

9-Wu kpara ka Egypt wu nuka Pharaoh de wu muru nu kaka de wu kpara ka gu ta atanga wu Israel teka ache uwu asidi te wu efe te uwu ede ngu ede Pihahiroth, engegira Baal Zephon.

-Pharaoh efi ta teka aza wu Israel adu de uwu.

-Fu Pharaoh ta areke wu kpara ka gu kaye teka anu azoro wu Israel teka adu de uwu.

-Kpara ta te emala ngu fu Pharaoh de anu aza wu Israel adu uwu ta de da?

-Ade Satana.

-Satana le ta de Pharaoh za wu Israel adu de uwu teka ne?

-Satana le ta asiti wu Israel.

-E ta te wu Israel mere te wu cheka Pharaoh eyi te koro a za uwu adu de uwu ne ta ne?

Ni Tanga Ta Gogo 14:10a & 11-12

10a-Ta te Pharaoh seni eyi gbameri ne, fu wu Israel ta a cheka su kpatikpi fu uwu achika wu kpara ka Egypt te uwu koro fu tanga uwu.

11-Fu uwu ta amala fu Moses ga, “a teka wu mbuku ta agbu Egypt ma fu mu ta akoro de a de a kpi fu rasu sene? E te mu mere tini ne e ne fumu a kusa a gbu Egypt ne?”

12-Amala ta fu mu agbu Egypt ga, ‘mu che a de; de ni mere tima fu wu kpara ka Egypt ne de? A ta mbi fini de ni mere tima fu wu kpara ka Egypt ne ka akoro akpi gbu rasu sene?’”

-Wu Israel siti ta iri Moses, fu uwu ta amal ga, de ache uwu eyi agbu Egypt.

-Baka ta ti wu Israel cheka wu ngu ta te Me mere fu tō ka Egypt ne, wu le ta la fi ngu ka Me de.

-Wu Israel le ta ngu ka Me de, Moses le ndeyi ta ngu ka Me eyi.

-Dene ngu ta te Moses mala fu wu Israel.

Ni Tanga La Gogo 14:13-14

13-Fu Moses ta amal lugu fu uwu ga, “Eya kpe churu de yi ru kpekpeke fu yi acheka ngu te me ena mere eleti kiwi. Wu kpara ka Egypt teyi cheka la, yi ti achika uwu sini eyi de.

14-Me ena mere gu fu ye; alebu de ye ru kpekpeke.”

-Wu Israel ti ta eyi a fowo te uwu?

-Abala de.

-Wu Israel ti ta a fowo te uwu de ka ne?

-Diki ngu ta engegira uwu, wu data edewu 'buru, wu Pharaoh de wu kpara kaye ta fu tanga uwu.

-Wu zoro ta wu Israel eyi.

-Kpara ta te ti eyi a fowo wu Israel ade da?

-Ade me.

-Ta te wu liki wu Adam aka Eva gbu ye ka Eden sidi ne wu ti ta adu kpala de.

-Me reke ta kaje teka a kuwu uwu bu mayl

-Ta te wu i lo Israel de kpaka ne, Abaraham bi ta magruma kaye kpa eyi taka ato Isaac ne, ati ta afowo teye de.

-Me reke ta kaje teka afowo ungu bu maye.

-Wu zoro ta wu Israel eyi, wu ti ta a towo te uwu de.

-Me reke ta kaje teka afow wu Israel bu maye.

-Baka ta te me reke kaje taka a fowo wu Israel maye ne, me ti afow mu bu maye.

-Me reke ta kaje teka afowo wu Israel maye?

Ni Tanga La Gogo 14:21-22

21-Fu Moses ta a gbere kpaye fu ngu la, fu me ta a u zimgba ngu de wege amere su ma uru ezimgba ngu la,

22-fu wu Israel ta ane fu su ngere de ngu edewu 'buru.

-Fu me ta mala fu diki ngu ta u jake ezimgba ngi, fu wu Israel ta a ne su fu su ngere.

-A ta kpekpeke fu me a u diki ngi?

-Abala de.

-Ata kpekpeke fu me de a u diki ngude baye?

-Tengu me reke ta diki ngu la maye.

-Tengu me de muru wu ngu 'buru.

-Ta te wu Pharaoh de wu kpara kaye ta akoro teka azoro wu Israel ne, me mere ta ne ene teka abanda wu Israel?

Ni Tanga La Gogo 14:19-20

19-Fu Malayika ka me te mgbu ta anu engegira nu fu wu Israel ne ta adu kpaside fu tanga uwu. Burungu tate de engegiri nu ne du ta kpa kpasidi.

20-Akoro ta ezingba wu Israel de wu Egypt. Gbu biti la 'buru koro ta de rasu gbu gara su, mbiri su gbu gara. Wu tita a maka teuwu de.

-Me ö ta burungu eziingba wu Israel de Pharaoh de wu kpara kaye.

-Burungu la to ta ra fu wu Israel ta a to mbiri su fu wu Pharaoh de wu kpara kaye.

-Baka ta te burungu mere su biti fu wu Pharaoh ne wu ta tibu afanga wu Israel.

-Pharaoh de wu kpara kaye fata nga wu Israel gi gbu diki ngu.

Ni Tanga La Gogo 14:23

23-Wu kpara ka Egypt nu ta fu tanga uwu de wu Pharaoh de wu nu de wu kpara kaka de wu nu 'buru agbu ngu.

-Me mere ta nee ne te wu Pharaoh de wu kpara kaye fata nga wu Israel gi gbu diki ngu ne?

Ni Tanga La Gogo 14:24-28

24-Gbu biti la fu me ta acheka wu kpara ka Egypt gbu burungu ka wa fa ta a tima wungude ma ezimba uwu.

25-A mere ta fu lo wu ete wu nu egbeke ne a koro asidi fu dawu ta anu ma. Fu wu kpara ka Egypt ta amala ga “Ni che wu Israel! Me eyi te gugu de Egypt tengu uwu.”

26-Fu me ta mala fu Moses ga, “mu gbere la kpamu fu ngu de ngu du daye fu wu kpara ka Egypt de wu eka uwu.

27-Fu Moses ta a gbere kpaye fu ngu la, gugu kpuru tako kpi fu ngu ta adu daye wu kpara ka Egypt ta enu to fefe; Fu me ta a amere ngu fa aza uwu ‘buru.

28-fU ngu ta a du daye fa ta a ni wu nu de wu e teuwu e gbeke dde wu kpara ka Pharaoh ta te uwu enu futanga wu Israel ‘buru, kpara ta te fowu ma.

-Me ni ta ngu fu wu Pharaoh de wu kpara kaye gbu diki ngu.

-Wu kpara ka Pharaoh fowo ta’buru de.

-Pharaoh guta gu de me eyi fa za esaka me?

-Abala de.

-Kpara te ti eyi amere gude me ta aza esaka na de da?

Ni Tanga La Gogo 14:29-30

29-Wu Israel nu ta gbu ngu fu su ngere de wu ngu ede uwu.

30-Fu me ta a fowo wu Israel ka wu kpara ka Egypt, fu wu Israel ta awu wu kpara ka Egypt te uwu kpi eyi ede ngu bane.

-Wu kpara ka Israel kpi ta de.

-Wu kpar kkpi ta de tengu ne?

-Tengu me banda ta uwu maye.

-Me banda ta wu Israel tengu ne?

-Me banda ta wu Israel tengu me mala ta eyi ga ni ina a tima muru kuwa gbu nguwa Abraham wu Israel.

-Me banda ta wu Israel tengu a le ta a tima riye, biblia fu wu kpara 'buru gbu nguwa Abraham de wu Israel.

-Te ni le ngu ka me la, me ena fowo ni.

-Te ni le ngu ka me de, me ti afowo ni de.